

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. I. Quâ ratione ex peccati comprehensâ turpitudine, & ex gehennae aut
poenarum seruili timore, elicienda sit Attritio, quae tamen seruilis non sit,
sed liberalis seu ingenua.

urn:nbn:de:hbz:466:1-11367

adhibere. Sic varii variè Attritionem ipsum arrodunt primò; & cum hoc rationibus conuicti, meritò non possunt; tum tandem Attritionis praxim exagitant, eamque conantur reddere pœnitentibus suspectam: artificio sanè subdolo, & Sacramento à Christo instituto, medicinæque tam pretioso sanguine peccatoribus præparatæ, satis injurio. Discutientur itaque omnia aduersariorum argumenta, quibus Attritionis praxim impetunt; illudque præcipue demonstrabitur, inanes esse cauillationes, artesque meras, quibus rudiores, maioris sanctitatis & securitatis prætextu implicantur, & ab Attritione in rem deducendâ deterrentur. Primo tamen, ne quidquam desit materia, exponendum est, quâ ratione excitanda sit Attritio; ne ex timore seruili, è quo dicit exordium, ei quidquam seruile adhæreat; sed ut prorsus liberalis sit & ingenua. Nam quod aduersarii fortasse fieri hoc non posse sibi persuadeant; hinc errorum omnium, quos deinde pertexunt, data est occasio.

§. I.

Quâ ratione ex peccati comprehensâ turpitudine, & ex gehennæ aut pœnarum seruili timore, elicienda sit Attritio, quæ tamen seruilis non sit, sed liberalis & ingenua.

Contritionis & Attritionis quamuis sit scelerum pœnitere, eaque & facta odiſſe, & facienda ex animo detestari; ingens tamen inter utramque est differentia, & quidem duplex. *Prima* quidem seſſ offert, si motuum aut rationem ex quâ singulæ exſurgunt, attendas; *secunda*, si effecta ytriusque consideres. Etenim ratio detestandi scelera, quam Contritio adhibet, est merus amor Dei super omnia diligendi & dilecti, qui etiam celebri Charitatis, terzæ, sed præcipue inter Thœologicas virtutes, titulo insignitur. Amor benevolentiae hic est, quod dum Conditorem suum creatura complectitur, ei bona vult omnia; ac propterea in se refleſtens mentis oculos, criminumque, quibus tam bonum Numen offendit indignitatem considerans, pœnitet jam sui; sclera detestatur, quæ Amori tam sancto, fœdissime intercessere, tenerimamque amicitiam per summam impudentiam infregere. Attritionis

*Contritio
& Attritio
primo diffe-
rentia in mo-
tivis.*

*Contritio
ex Amore
benevolen-
tia enasci-
tur.*

H h h 3

verò

verò excitamenta & veluti iucunabula, longè minoris notæ motiva sunt, quām Amoris beneuoli; omnis enim peccati per Attritionem detestatio, oritur ut Tridentinum affirmat, *vel ex tur- Tri. 4. eff. pitudinis peccati consideratione, vel ex gehennæ d' pœnarum metu:* ^{14.C.4.}

Attritio ex amore con- cupiscentia. ad gehennæ autem metum refertur amissio juris ad gloriam: & sic Attritio præcipue ex Spe enascitur, id est, amore Concupiscentiæ, qui Amore Benevolentiæ, nobilitate multūm est inferior: Hic enim Deo omnia; ille verò Deum sibi concupiscit & desiderat.

Secundo differunt penes effec- tia.

Debetur contritioni diuina a- micitia,

non verò Attritioni.

Altera Contritionis & Attritionis differentia, ex effectis peti-
tur. Contritio enim per se solam, peccatorum omnium veniam
consequitur: etenim Amor ex quo aut enascitur, aut certè cui
congenita est ea peccati detestatio, perfectam secum fert Numinis
amicitiam, eamque sibi impendi, quasi jure suo exigit; cùm amo-
ris non sit alia, quām amoris reciprocī compensatio: & tam nobilis
est Deus ingenii, vt à nemine fese patiatur amore superari: hinc
fit quòd Contritio nullam in pœnitente hostilitatem patiatur con-
sistere, neque quidquam quod justam Dei auersationem mereatur.
Atque adeò hinc etiam est, quòd Contritioni, perfectò, inquam,
Amori benevolentiæ; omnium omnino scelerum commissorum
detur impunitas, ne & amicus sit Dei qui sic amat, & simul etiam
inimicus; & propterea dignus quem amet Deus, & quem etiam
auersetur: quæ duo combinari, est impossibile. Attritio autem, li-
cet commissorum criminum sit detestatio, non tamen eius est na-
turæ, vt amicitiam Dei jure suo postulet. Cùm enim ex amore
concupiscentiæ, quo sibi visionem beatificam homo concupiscit,
& malum per supplicia inferendum auersatur, trahat originem;
sanè sine mutuâ Dei amicitiâ, aut benevolentiâ reciprocâ, pecca-
toris animum potest afficere. Neque enim quidquam amoris aut
amicitiæ tibi debet is, cuius hæreditatem tibi exoptas; neque Prin-
ceps vlli amicitiæ impendendæ subdito, lege obstringitur, ex eo
solum capite quod suppliciorum metu, & legum reuerentiâ, deinceps ab iis infringendis statuat abstinere. Atque hæc est ratio,
quod Attritioni scelerum impunitas non impendatur, quam-
uis ad eam acquirendam disponat; remissionem plenam rela-
tura, dum vt mox dicemus, Christi meritis in Sa- ramento con-
jungetur.

Hujus detestationis, seu Attritionis naturam superiore Tracta-
tu ex-

2.

3.

tu exposuimus: ostendimusque, vt sit legitima pœnitentis animi soboles, & supernaturale Dei donum (qualem ad Sacramenti valorem requirit, atque idcirco dari posse statuit Tridentinum) eam & peccatum commissum vere detestari, & peruersam voluntatem vere corrigere, & ad totius legis obseruationem inducendam sufficere: ingenuam denique & liberalem esse seu voluntariam, minimeque seruilem id est non coactam nec refractariam.

4. Hoc nunc exponendum est, quo pacto hæc Attritio tam ingenua & voluntaria, ex Timore pœnæ, qui tamen seruulis est, educi possit, & à mancipatūs sordibus defæcari. In hoc enim tota aduersariorum versatur difficultas, quod sibi persuadeant, ex timore qui verè seruulis est, non posse quidquam enasci nisi quod seruile, hoc est violentum & coactum; & sic non existimant conjungi posse Timorem pœnæ, cum sincero amore justitiæ, id est cum verâ voluntate agendi rectè, seu quia rectum aut justum est quod agendum à timore proponitur. At in hoc errant toto cœlo, & multorum deinceps errorum sibi jaciunt fundamentum.
5. Etenim, quoties id etiam in rebus humanis vsuuerit, vt legem Reges ferant quam supplicijs intentatis etiam sanciant? quod certè nihil est aliud quam seruilem timorem populis sibi subjectis in- cutere. An ideo tamen seruilem in morem, seu seruiliter & coacte ab omni populo legi obeditur, & nemo paret ingenuè? Sane pro diuersis huminum geniis & ingeniiis, diuersa præstabuntur obsequia. Erit qui seruiliter, seu inuitus legi se subjiciet, erit etiam qui liberaliter seu voluntariè. Et tamen yterque ex timore suppli- cii, legis obseruandæ sumet exordium. Exponendum id est exem- plio. Imperator, quod sic rebus suis plane conducere arbitratur, totis castris edictum jubet promulgari, quō seuerissimè sub mortis illico inferendæ interminatione cauet, ne quis cuiuscumque sit ordinis, castrorum limites eo die excedat. Paretur ei ab omnibus, vtique terrore supplicii admodum percussis. At, an etiam omnium eadem est parendi mens & modus? Minimè vero. Nam lixæ, calones, militum aut prædonum fæx agrorum deua- stationibus viuere solita, sic sese domi continent, vt è castris ex- cedendi voluntatem non deponat. Quod quidem manifestum est; cùm latebras rimentur vndeque, vt vigilum oculos fallant, seseque è castris emittant. Hoc autem quia consequi se posse desperant, inter limites sese continent. Parent itaque sed inuiti, id est,

*Errat qui
existimat
ex timore
seruili non
posse nasci
obsequiam
ingenuum
& libera-
li.*

*Paret in le-
gibus hu-
manis.*

*Exponitur
in editio
castrorum.*

*cui lixa &
prædones
parent in-
uiti.*

Nobiles
voluntarie,

id est seruiliter ; atque adeo non ut milites , sed ut serui per vim , mortis metu , sub signis continentur . Nobilioris interim sunt animi milites , ordinum primipili , Centuriones , & quibus non est ignava mens : quibus dum idem intentatur delinquentibus supplicium , non tamen idem est parendi genius : obediunt enim alacres , nec vllâ se cogi fatentur parendi violentiâ . Nonne tamen ex timore pœnæ , tam lixis & calonibus , quam fortissimis militibus , obediendi factum est initium ? Sine dubio . Unde ergo tam dispar obsequium ; hoc voluntarium , inuitum istud & coactum ?

Vnde hac
differentia
fusè expon-
etur.

Dicam . Vile istud & projectum hominum genus , supplicia per legem intentata dum exhorrescit , ita secum argumentatur & statuit ; omnimodis euitandum esse supplicij incurriendi periculum . Itaque in omnem sese partem coniicit , modum euitandæ pœnæ vt effugiat ; quam donec inuenit ; domi se continet sed inuitus , & sine dubio in apertum campum euasurus , si euadendi detur opportunitas . Legem itaque hic seruat , vt euadat supplicium : neque timet ut obediat ; sed obedit ut ne incurrit id quod timet , quodque alio modo euadere se posse desperat . Hoc autem non tantum est timere seruiliter , sed & ex timore seruili obedire seruiliter ; siue , quod repetendum est s̄p̄ius , inuite , violente , & coacte , sic vt mallet non obedire . Longè alia est in generosis militum pectoribus , è timore tamen seruili educta obediendi ratio . Fateor , seruilis est intentati supplicii timor , & sic recte nominatur , prout filiali opponitur ; nec enim filiis à Patre solet mortis pœna intentari , aut si intentatur , paternæ non sunt minæ . Fateor , etiam ex hoc timore exsurgere in nobili & ingenuo pectori parendi voluntatem . At quomodo ? idcirco nempe , quod ex tam horrendo supplicio , legis necessitatem , & Imperatoris sui justam voluntatem intelligit ; quem scit eā esse animi moderatione , vt tam cruentam , in optimum quemque fortissimumque militem , sine vllâ exceptione aut Ordinum privilegio legem latus non fuerit , nisi aut inimicorum vicinia , aut grauis aliqua expeditio , aut alia magna necessitas , virum moderatissimum suique potentissimum vrgeret . Hinc sit ut legi , tanquam justissimè conceptæ & promulgatae , pareat voluntarie & expeditè .

Pœna
quam ti-
mor fugit ,
ostendit
magni-
dinem &
grauiatem
legi latet :

& sic timer
et maximè
conformis
rauici

Atqui , inquies , qui sic legem obseruat , non ex timore pœnæ ,
sed

6.

7.

sed ex ratione solidâ , obediendi concipit voluntatem. Respondeo id esse verissimum , rationi consonam seu ex ratione petitam præstari debere obedientiam. Sed nonne mortis timor eo in euentu , rationi summopere est conformis ? Quid enim est timor animi , aut Intellectus , nisi , vt passim dicitur , Fuga mali ? ego malum dicere , Timorem animi , judicium esse quo statuitur fugiendum malum quod imminet , aut imminere apprehenditur ; cuius judicij effectus sit , mali fuga. Quidquid sit rationi conformis est omnis mali fuga : igitur & hic timor. Voluntatem itaque obediendi , parit Timor mortis in animo liberali & ingenuo , ratione , non vi aut violentiâ . Sed quomodo ? primò quidem pœna legi apposita , exponit justissimam Legislatoris mentem , quam miles ex supplicij atrocitate liquidissime percipit. Secundò , Timor ille quem ex apprehensâ supplicij justè intentati magnitudine concipit , assiduus est admonitor qui legis grauitatem & equitatemque repræsentet. Vnde fit vt sponte suâ ei se miles subiiciat , nec inuitus , sed vero parendi desiderio. Obedientium enim proflus judicat , non tam quod legis minas metuat , sed quod ex minis merito & verè metuendis , magnitudinem , & equitatemque præcepti , atque adeo Imperatoris justa præcipere soliti , vrgentem admodum voluntatem penitus percipiatur. Huius autem legis denuntiator seu præco est Timor quem reipsâ mente persentiscit.

8. Fusiùs exemplum hoc proposui , quod in re admodum humâ , totus Attritionis , vt ita dicam , conceptus & partus faciliùs intelligatur. Patet certè ingenua quâm sit & liberalis mentis sibiles , minimeque seruilis , quantumuis ex timore gehennæ , qui vulgo seruilis dicitur , ortum duxerit. Neque sanè quæ à me jam dicta sunt , necesse est Attritioni multis applicare ; res enim ipsa in exemplo proposita , sese prodit sponte suâ. Etenim si praxim excitandi Attritionem exquiris , istud certum est , inanem esse peccati detestationem , aut legis obseruantiam , quæ eô tantum exhibetur animo , vt supplicia à lege intentata euadantur , si interim voluntas peruersa maneat non parendi , nisi pœnæ timerentur. Hoc enim jam in calonibus & lixis vidimus quâm sit seruile , minimeque ingenuum aut voluntarium parendi genus. Ingenua autem & legitima vt sit Attritio , quæ ex Timore elicetur , hoc ordine est excitanda.

I i i

Primò

*Timor au-
tem actua-
lis , est assi-
duus præco
qui anima
legem pro-
ponit &
denuntiat.*

*Qua attri-
tio seruile
sit & ma-
la.*

*Ingenuum
Attrito-
nem prae-
dit super-
naturalis
timor pœna.*

*Quando-
nam Timor
pœna pro-
cedat à
Gratia
Christi, seu
sù superna-
turalis.*

*Ex timore
pœna iusse
à Deo in-
tentata,
displi-
cian-
tiā com-
missi scel-
eris pecca-
tor intelli-
git*

*atque ex
hoc, peccati
indignita-
tem.*

*Hinc tan-
dem oritur
detestatio*

Primo quidem obiicitur mentis operationi primæ, seu apprehensioni, æternæ aut etiam temporariæ ut Cardinali Lugo placet, à Deo tamen justè sibi infligendæ pœna representatio. Ex hâc autem, timor tanti mali ceruicibus suis impendentis, animo, quin & corpori nonnumquam non sine ingenti horrore oboritur. Quod si autem timor ille apprehensionis primæ terminos non excedat, aut non vterius se extendat quam ad ingenrandam generatim fugam objecti mali, tunc sanè crederem nihil admodum supernaturale timorem hunc secum ferre, nisi fortè per actum Fidei qui necessariò huic timori innectitur; non enim timeret pœnas, nisi crederet & eas dari, & pro peccatis à se commissis infligi: vtrumque autem credere, Diuinæ Fidei actus est. At verò si Timor ille ita apprehensionem primam afficiat & percellat, vt aliqua in Voluntate ipsâ fiat animi percusio, seu motus primò-primus, quo ad scelera, timoris caussam, detestanda, & ad recte deinceps agendum inclinatur, tum sanè Timor ille ex omni parte supernaturalis est, & ex eo genere gratiarum actualium, quæ nobis non nisi propter Christum, vt causam earum meritoriam tribuuntur, & à Christo tanquam capite benignissime deriuantur.

Secundò, timore hoc, quo officij præstandi, aut malè jam præstiti admonetur, percita mens, illico grauitatem præcepti, cuius transgressor tam immanis pœna à Deo præstituitur, percipit peccator. Videt enim liquido fieri non posse quin justa sint supplicia, quæ qui naturâ suâ justus est, minatur. Rursus id etiam percipit, fieri non posse, vt qui indole suâ tam est misericors, æternis ignibus addicturus sit *opus manuum suarum*, quod ipse metitus est tantâ industriâ, tantâque prouidentiâ gubernauit, nisi summopere ipsi scelera displicerent, qnæ tam immannia benignissimo Numini, ac fere invito, supplicia extorseunt.

Tertio disloquentiam infractæ legis, ex pœnis jure & meritò intentatis, peccator duu perfentiscit, tum verò perpetrati criminis enormitatem intelligit, percipitque quam indignis modis tam justæ Numinis voluntati, per summam petulantiam fuerit aduersatus. Detestatur itaque commissum scelus, quod tam serio & justè à Deo scit vindicandum. Justamque iram impostorum vt euadat, statuit justissimæ Dei voluntati, cuius grauitatem,

9.

Lug. disp.
s. de pa-
nit. feft. 9.
n. 137.

10.

11.

tatem, ex timore quo percusus est nunc reipsâ percipit, obtemperare imposterum, non tam ex timore pœnæ, quam ex amore justitiæ seu recte & justè agendi desiderio. Justitiam autem legis, cuius fortassis memoriam amiserat ex ipso, quo percellitur, timore intellexit.

12. Redit igitur per hunc Attritionis actum, ad Deum, id est ad finem suum ultimum peccator; redit inquam, quia dum supplicia metuit, ad eum sese tacitè conuertit; non quidem actu Amoris Dei super omnia dilecti & diligendi propter se, qui quidem tertiaræ virtutis Theologicæ actus sit, sed affectu aut Amore proprio Spei, quo in Deum tendit, tamquam ultimum sperantis bonum, id est suum.

13. Patet itaque quâm in Attritionis actu nihil illiberale sit, id est nihil inuoluntarium, nihil coactum, nihil iuuitum; sed ingenuum omnino & liberum prorsus esse, omne quod ex ea Deo præstatutur obsequium; quamuis ex pœnæ timore ducat exordium. Timor enim veluti præco pœnas denuntiat. Ex pœnis, sanctissimæ voluntatis justitia, Numinisque displicantia rectè colligitur: ex hac verò, criminis sui enormitatem peccator colligit & detestatur: ex detestatione denique obseruandæ deinceps legis tam justè latæ amor oritur & desiderium. Atque eccum Attritionis ex timore seruili exortus non seruili, sed nobilis & dignus Gratia Christi actuali, à quâ prima tam præstantis virtutis ducta sunt incunabula, & per singulos deinceps actus procurata est maturitas. Istud enim, peccatorum suorum hoc modo pœnitentes, dicere possunt, quod habetur apud Isaiam¹⁵, juxta 70. Interpretum lectionem Propter vel Per timorem tuum Domine in utero accipemus, & patruimus, & peperimus spiritum salutis.

14. Ast inquires, cum Attritione illâ manet nihilominus aliqua adhuc super peccandi voluntas & libido, aut naturæ propensio, si pœnæ non prostarent. Vellit enim adulterari scortator, supplicij si abesset metus. Miror sanè hæc toties & tam putidè à viris Theologis obtrudi, quibus tam perspicua debet esse differentia inter Volo & Vellem. Aliud enim est dicere Volo, seu actualē adulterandi voluntatem habeo, si pœnæ sceleri non essent constituta; aliud autem Vellem seu conciperem peccandi voluntatem, nisi supplicia deterrent. Primum sine dubio peccarum

*Sic attritus
redit ad fi-
nem suum
ultimum
per actum
amoris
concupi-
centia seu
spei.*

*In attrito-
nis actu
nihil est
seruile.*

*Neque in
ea remanet
vulnus affe-
ctus pec-
candi, ne-
quidem
condicio-
natius.*

*Ostenditur
aliud longè
esse dicere*

Iii. 2 est,

volo peccare, & velle peccare si non esset infernus.

est, nec qui sic peccato abstinet, verè abstinet: voluntate enim peccato afficitur, à cuius executione inuitus deterretur. Neque cum hoc actu consistit vera Attrito. Secundum verò, historica est rei verosimiliter admodum euenturæ narratio; infirmitatis propriæ est sincera confessio, quām, experientiâ jam edoctus, tantam esse peccator nouit, vt nisi valido frœno coercentur, in vetera se fateatur crimina deoluendum. An autem imbecillitatis suæ conscientium esse, est vetera velle crimina? Sanè qui Religionis seueræ vinculis & legibus coercetur, istud, vt sibi de felicitate suâ gratuletur, potest secum statuere, sese si inter mundi illecebras datum fuisset viuere, multis sceleribus sine dubio fuisse implicandum, à quibus modò inter septa Cœnobij datur abstinere. An tamen is reipsâ nunc vult ea committere, quæ præscit sese patraturum, si intra Religionis repagula, contracta non fuisse peccandi facultas & licentia? Quis hoc pro fano dixerit? Certe, aliud est velle peccata, aliud ea præuidere & narrare facienda. Istud, voluntatis est negotium; hoc verò, solius est judicij non absurdâ conjectatio: sine voluntate verò non peccatur.

*imò &
Contritio.*

Quid, quod & cum ipsâ Contritione quantumcumque sit perfecta, stet eiusmodi infirmitatis suæ humilis agnitus & sincera confessio? quantumcumque enim de commissis sceleribus conteratur reus, eaque detestetur omnibus animæ viribus; tamen cum voluntatis sanctissimâ obfirmatione, potest, imò debet, si ad imbecillitatem suam mentis oculos inflectat, istud de se judicare, & verò etiam proclamare, si hæc mihi à Deo Contritionis gratia non adesset, vellem in pristinis hærere flagitiis, meque rursus in ea fœdissimè immergem. An tamen pœnitentem hunc, ejurata rursus velle crimina quisquam dicet? Fateor quidem cum Attritione, imò & cum Contritione, propensionem seu libidinem naturæ insitam adhuc confistere, vnde ad peccandum deinceps proclivis sit animus; non enim dum deplorantur scelera, Concupiscentia, eorum radix prorsus extinguitur. Verùm sicut vitiosa hæc animi affectio, nullum Contritioni insert vitium, quo minus facta displiceant: ita & nullum Attritioni censenda est afferre præjudicium, vt non credatur commissa à se scelera, verè & ex animo, liberè, inquam, & ingenuè detestari. Atque hæc de Attritionis excitandæ modò, in præsentiarum dicenda occurrebant.

§. II.

